



Vita de ploania y de paisc

- **Enformaziun dal consei pastoral - Santa Maria dai Ciöf domisdé con le vesco:** ales 14:00 él **espi da festa y prozesciun con le Santiscimo** fora Brach; preitambel da porté le ci y les linternes. Önn en vangelo sará a Brach, la **prozesciun** ven slüta jö te dljia. Dedó sarál en **picio agape**, olache i periun la comunité da porté val da mangé, da dé jö dales 13:00 ales 14:00 te Ciasa dles Uniuns.
- **Iolan de Ostes ofertes da mené demez:**
Fonds de solidarieté por le clerus (11.04.) 174,55 €,
Universitè Catolica de Milan (18.04) 180,96 €
Obolo de San Pire (27.06) 170,28 €
Oferta de San Cristofe: (25.07) 1.123,89 €
- **Iolan y Dio s'al páii dles ofertes en recort dla † Berta Comploi:** fam. Facchini, Uniun dal Teater, fam. Ploner Hubert, Angelo y Daniela Comploi, fam. Willeit Sach, Lisele Willeit **por la dljia**; Hansi Comploi, fam. Complojer de Lex, Uniun dal Teater, Gabriela y Klaus Kehrer **por la "Krebshilfe"**.
- **Iolan y Dio s'al páii dles ofertes en recort dla † Angela Frena ved. Rovara:** Lisele Willeit, Jep y Gabriela Rindler **por la dljia**.



Enformaziuns y termins

Ciasa de Palsa "Ojöp Freinademetz: la direturia lascia alessei che al é gnü scrit fora en **concurs publich** tres mobilité denter aministrazziuns publiches por la corida de 6 (sis) posc de rode desco **infermier/a profesional/a** (profil profesional n. 64), de chisc 2 posc a tomp parzial 50% (19 ores al'edema), 2 posc a tomp parzial 63,16% (24 ores al' edema) y 2 posc a tomp plen tla 7.ter cualifica funzionala. I posc é reservés al grup linguistic ladin. Al ven damané l'atestat de trilinguism B2 (ex B). Les domandes de amisciun mess gní scrites fora sön le formular aposta. Cösc ciafun tai ofizi dla Ciasa de Palsa a San Martin o pó gní desciriá dla plata internet www.ciasadepalsa.it. I formulars scric fora mess gní dés jö tai ofizi dla Ciasa de Palsa anter les 12:00 dai 10.09.2021. Por enformaziuns plü monüdes pó les porsones enteressades cherdé sö le ☎ 0474 524786.

Porsones co vir fora dla **speranza** veiga plü lunc.
 Porsones co vir por l'**amur** veiga plü sot.
 Porsones co vir tla **fede** veiga döt te en n'atra löm.

Lothar Zenetti

Döt le bun a: Elisabetta Erlacher Rubatscher, *Antermeia* * 09.08.1940
 y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
 ✉ klsottsas@rolmail.net

Calogna Al Plan: ☎ 0474 501006
 Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

08.08.2021 - 19. domegna ia por l'ann

n. 37

Le pan por la vita dal monn

📖 1 Resc 19, 4–8 | Ef 4, 30 – 5, 2 | Jan 6, 41–51

Dal Vangelo do San Jan:

Te chel tomp ⁴¹groforà i iüdes cuntra Gejú, deach'al â dit: lu sun le pan co é gnü jö dal ci. ⁴²Y ai dijea: Ne n'é nia cösc Gejú, le Fi de Ojep, de chel ch'i conesciun le pere y la oma? Co pó pa sen dí: lu sun gnü jö dal ci? ⁴³Gejú ti á dit: Ne stede a groforé! ⁴⁴Degügn ne sciafia da gní da me, sc'al n'é nia le Pere, chel co m'á orcé, co m'al condüj da me; y iu le ressuscitará l'ultimo de. ⁴⁵Al sta scrit pa i profec: Y düc sará scolars de Dio. Vignönn, co ascuta le Pere y tól sö so ensegnamont, gnará da me. ⁴⁶Degügn n'á odü le Pere ater co chel co é da Idio; ma chel á odü le Pere. ⁴⁷Amen, amen, i ves diji: Chel co crei á la vita eterna. ⁴⁸Lu sun le pan dla vita. ⁴⁹Üsc peri á mangé la manna tal desert y é morc. ⁵⁰Mo con le pan che ven jö dal ci éra ensciö: Sce zacai nen mangia de chel, ne mörel nia. ⁵¹Lu sun le pan vi, co é gnü jö dal ci. Chel co mangia de cösc pan, viará tal'eternité. Le pan che iu dará é mia cern, i la dá ca por la vita dal monn.

I ponsun do: *Te deplü manieres chiriunse le tru por che nosta vita pói garaté; i se dejidrun na vita en abundanza. La fede cristiana crei ala ressozeziun de Gejú y reconesc la credibilité de chel co se prejeiteia enstes desco pan dla vita.*

Le tru de cösc Gejú da Nazaret, so amur por döta la jont, söa noela – döt cösc nes condüj dampró a capí la grandeza de Chel Bel Dio. Chi co va do al tru de Gejú, veiga le Pere; chi co tol sö söa Parora ciafa le pan dla vita.

I periun: *Bel Dio, tres Gejú to Fi nes vegneste adancuntra. El é le pan dla vita dal monn. Fá sterscia nosta fede te söa Parora co se condüj a te. De cösc te periunse por Crist, nosc Signur.*

Vesco Wilhelm Egger "Sonntagsbibel"



📖 *Letöres dla gran festa de Santa Maria tuta sö al ci:*


Rev 11, 19a; 12, 1–6a.10ab | 1 Cor 15, 20–27a | Lc 1, 39–56

Edema liturgica dai 08.08. ai 15.08.2021

DOM 08.	19. domegna ia por l'ann	<i>Domene, Ziriach</i>
08:30	gran messa por dōta la ploania	oferta por la ploania
10 y 18	<i>s.m. a Al Plan</i>	
Lön 09.	fešta de Santa Theresia Benedikta vom Kreuz (<i>Edith Stein - patrona d'Europa</i>), <i>Maria-Anna, Roman</i>	
18:00	<i>s.m. a Al Plan</i>	
Ded 10.	fešta de San Laronz , <i>Astrid, Philomena</i>	
07:30	s.m. por † signor Matio Rigo, Matlogn	
	s.m. por † Jan Maneschg, da Poz	
Dem 11.	<i>Clara d'Assisi, Susanna, Rafael</i>	
Jöb 12.	<i>Giovanna Franzisca da Chantal, Karl L.</i>	
19:30	s.m. por † Berta Comploi, Framacia	
	s.m. por †† Jep y Angela Rovara, Plans	
Ven 13.	<i>Pontianus y Hippolyt, Ludwig</i>	
07:30	<i>s.m. a Al Plan</i>	
	→ signor ploan va a proveder	
Sab 14.	<i>Maximilian Maria Kolbe, Meinhard</i>	
07:30	s.m. en onú de Santa Maria	
	s.m. por † Pasquale Winkler, Rara	
18:00	<i>s.m. prefešta a Al Plan</i>	
DOM 15.	GRAN FESTA DE SANTA MARIA TUTA SÖ AL CI	<i>Assunta</i>
	Santa Maria dai ciöf	
08:30	gran messa ciantada en onú de Santa Maria por dōta la ploania	oferta por la ploania
14:00	espi da fešta con le vesco Ivo	
	y prozesciun con le Santiscimo fora Brach	
10 y 18	<i>s.m. a Al Plan</i>	
<i>ampola:</i>	por †† Rovara, Aroth	
<i>ministronc:</i>	<ul style="list-style-type: none"> • dedolönesc y sabeda: Alex y Lisa • jöbia y domegna: Roman y Filip 	
<i>i recordun:</i>	Berta Trebo ved. Weizenegger, <i>Bregenz</i>	† 08.08.2018
	Angelo Ploner, <i>Al Plan</i>	† 09.08.2018



I ponsun con le Vangelo (Jan 6, 24–35)



- 1> Ne n'è nia cösc Gejú, le Fi de ...
- 2> de chel ch'i conesciun le pere y la ...?
- 3> Üsc peri á mangé la ... tal desert y é morc
- 4> Y düc sará scolars de ...
- 5> y iu le ressuscitará l'... de
- 6> Vignönn, co ascuta le Pere y tól sö so ...
- 7> lu sun le pan dla ...
- 8> Sce zacai nen ... de chel, ne mörel nia
- 9> Chel co mangia de cösc pan, viará tal'...
- 10> Le ... che iu dará é mia cern

I mirachi de Gejú cuntés ai mituns (3)



Fajede ci che él se dij

Tla ciüté te Cana él na noza. Gejú y sü amisc ea enviés. Danter i ghesc él ince Maria, la oma de Gejú.

Era â defata capí, che le vin se roâ. Ara ea jüda da so fi y â dit: „Ai n'á plü degün vin.“ Mo Gejú â respognü: „De cösc ne messunse no tö no iu se fistidié!“ Mo Maria ne s'â nia acotenté y â dit ai sorvidús: „Ci che el se dij, chel fajede!“

Al ea danló sis de gran bochés dal ega. Al ea üsanza dai lüdes da se laé les mans y i pisc denant co mangé. Gejú â dit ai sorvidús: „Emplíde i bochés con ega.“

Canche ai ea stés pens â dit Gej: „Lascede ciarcé a chel co á da fistidié por le past.“ Y ci che al boea, ea de bun vin. Cösc â damané al nüc: „Ciodi aste pa sparagné fina sen le bun vin? Chel ne fej degün!“

La jont endere ea encontonta y ne damanâ nia da olá che le vin gnea.

Ensciö â Gejú fat so pröm miraco a Cana tla Galilea y sü discepuj cherdea.